

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE SERVIZOS SOCIAIS, EMPREGO, SANIDADE, IGUALDADE E MOCIDADE CELEBRADA O DÍA 20 DE NOVEMBRO DE 2015 ÁS 13.30 HORAS.

Sendo as trece horas e trinta minutos (13.30) do día 20 de novembro de 2015, reúnese en sesión ordinaria convocada ao efecto a Comisión Informativa Permanente de Servizos Sociais, Emprego, Sanidade, Igualdade e Mocidade, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal Popular	Alberto Piñeiro Rodríguez
Grupo municipal Socialista	J. Blas García Piñeiro
Grupo municipal IC- Ames Novo	M ^a Pilar Candocia Pita
Grupo municipal Contigo Pódese	Genma Otero Uhía
Grupo municipal Pacto X Ames	Ramón García Argibay
Grupo municipal BNG-Asembleas Abertas	David Santomil Mosquera
Grupo municipal Ciudadanos - Partido da Cidadanía	Fco. Javier López Suárez

Presidente: J. Blas García Piñeiro.

Secretaria: A accidental da Corporación, Concepción Vilas Cantelar.

ORDE DO DÍA:

Punto primeiro- Aprobación, se procede, das actas anteriores.

Por **maioría absoluta** dos membros presentes foi aprobada a acta correspondente á sesión ordinaria de 23 de outubro de 2015, co voto favorable de Alberto Piñeiro Rodríguez, M^a Pilar Candocia Pita, David Santomil Mosquera e Francisco Javier López Suárez e coa abstención do resto de asistentes á Comisión Informativa, por non ter estado presentes nesa sesión.

Punto segundo.- Aprobación inicial da modificación da Ordenanza municipal reguladora das tarxetas de estacionamento e accesibilidade do Concello de Ames.

Tras un breve intercambio de impresións, o asunto é ditaminado favorablemente por **maioría simple**, cos votos a favor de Blas García Piñeiro, Genma Otero Uhía e David Santomil Mosquera e a abstención do resto de asistentes á Comisión Informativa.

Punto terceiro.- Aprobación inicial da modificación da Ordenanza municipal reguladora da prestación de alimentos do Concello de Ames.

Tras un breve intercambio de impresións, o asunto é ditaminado favorablemente por **maioría simple**, cos votos a favor de Blas García Piñeiro, Genma Otero Uhía e David Santomil Mosquera e a abstención do resto de asistentes á Comisión Informativa.

Punto cuarto.- Aprobación inicial da modificación do Regulamento do servizo municipal de transporte adaptado do Concello de Ames.

Tras un breve intercambio de impresións, o asunto é ditaminado favorablemente por **maioría simple**, cos votos a favor de Blas García Piñeiro, Genma Otero Uhía e David Santomil Mosquera e a abstención do resto de asistentes á Comisión Informativa.

Punto quinto.- Moción presentada polo grupo municipal do BNG – Asembleas Abertas, con rexistro de entrada núm. 11806, de 29 de outubro de 2015, presentada por urxencia no pleno anterior.

Un dos propoñentes da moción, **David Santomil Mosquera**, expón que van a propoñer un cambio da parte da moción que recolle os acordos, que se compromete a enviar a todos os grupos.

A proposta de acordo da moción quedaría coa seguinte redacción:

“Por todo isto, proponse ao Pleno o seguinte ACORDO:

1. O Concello de Ames mostra o seu apoio e solidariedade co pobo saharauí, a consecuencia da devastación sufrida nos campos de refuxiados/as polas chuvias torrenciais no mes de outubro de 2015.

2. Comunicar dito acordo ás entidades ACNUR, Media Lúa Vermella, UNICEF, OXFAM e a todas aquelas organizacións solidarias co pobo saharauí, coa finalidade de coñecer e colaborar, na medida das posibilidades do Concello de Ames, na recollida de materiais de primeira necesidade que poidan necesitar.”

Tras un breve intercambio de impresións, a moción é ditaminada favorablemente por **maioría simple**, cos votos a favor de Blas García Piñeiro, Genma Otero Uhía e David Santomil Mosquera e a abstención do resto de asistentes á Comisión Informativa.

Punto sexto.- Moción para declaración institucional presentada por urxencia no pleno anterior.

Blas García Piñeiro expón que esta moción foi presentada por urxencia no pleno anterior, pero que debido a que non deu tempo a tratala e xa pasou o día 25 de novembro, no que se conmemoraba o día internacional para a eliminación da violencia contra a muller, optouse por facer unha declaración institucional asinada polos concelleiros da Corporación que así o decidiron. Por tanto, retíranla da orde do día.

Punto sétimo.- Moción do grupo municipal popular presentada por urxencia no pleno anterior.

Tras un breve intercambio de impresións, a moción é ditaminada favorablemente por **maioría simple**, co voto a favor de Alberto Piñeiro Rodríguez e a abstención do resto de asistentes á Comisión Informativa.

E non habendo mais asuntos de que tratar o señor presidente da por rematada a sesión ás catorce horas e corenta e cinco minutos do día de referencia de todo o que eu, como secretaria, certifico.

Vº e praxe

O presidente

A secretaria accidental

J. Blas García Piñeiro

Concepción Vilas Cantelar